

Na osnovu člana 103 tačka 1. Zakona o visokom obrazovanju („Sl. novine TK“ br.7/16, 10/16, 05/17, 07/17) a u vezi sa članom 35. i članova 137, 138. i 139. Statuta Visoke škole za finansije i računovodstvo FINra Tuzla, Senat na 8. sjednici održanoj 28.09.2017. godine, donosi:

**PRAVILNIK O PRIZNAVANJU ISPITA I USLOVIMA PRELASKA  
SA DRUGIH VISOKOŠKOLSKIH USTANOVA NA VISOKU ŠKOLU  
ZA FINANSIJE I RAČUNOVODSTVO FINra TUZLA**

**Član 1.**

Ovim Pravilnikom se regulišu način i uslovi priznavanja ispita i uslovi prelaska sa drugih visokoškolskih ustanova na Visoku školu za finansije i računovodstvo FINra Tuzla.

**Član 2.**

Prijelaz ili upis na Visoku školu za finansije i računovodstvo FINra Tuzla (u daljem tekstu: Visoka škola FINra) mogu zatražiti osobe koje su upisane na drugi studij ili su ispisane s drugog studija, osobe koje su završile stručni studij i stekle manje od 240 ECTS bodova.

**Član 3.**

Visoka škola FINra će izvršiti upis studenata koji prelaze s drugih studija, ako postoje slobodni kapaciteti i uslovi za izvršavanje preostalih obveza studenata.

**Član 4.**

Studentima koji u toku godine prelaze sa drugih visokih škola i fakulteta iz BiH na Visoku školu FINra ili studentu koji ima položene ispite iz prethodnog školovanja, rješenjem direktora priznaju se položeni ispiti, a na osnovu izvještaja Komisije za priznavanje ispita koji usvaja Senat.

**Član 5.**

Priznavanje ispita iz prethodnog školovanja vrši se na osnovu uvida u originalne dokumente ili ovjerene fotokopije potrebne dokumentacije kojom se dokazuje plan i program prethodnog školovanja, položeni ispiti i ostvareni uspjeh kao što su: prijepis ocjena, uvjerenje o položenim predmetima sa postignutim ocjenama, studentska knjižica (indeks), dodatak diplomi (*diploma supplement*) i drugi dokumenti koji imaju svojstvo javne isprave i koji su utvrđeni zakonskim i podzakonskim aktima.

**Član 6.**

Komisija priznaje studentu položene ispite iz onih nastavnih predmeta koji se po sadržaju prema svom nastavnom programu podudaraju najmanje 80 % sa nastavnim programom odgovarajućeg predmeta na Visokoj školi FINra.

Lista izbornih predmeta kontinuirano se dopunjava odlukom Senata. Predmetima kojima se dopunjava lista izbornih predmeta, dodjeljuje se 5 ECTS kredita na prvoj i drugoj godini studija odnosno 4 ECTS kredita na trećoj godini studija, u skladu sa predviđenim opterećenjem studenta po broju časova.

**Član 7.**

U skladu sa principom cjeloživotnog učenja i priznavanja prava na obrazovanje kao osnovnog ljudskog prava, Visoka škola FINra će omogućiti produžetak školovanja i neće diskriminisati studente koji prelaze sa drugih visokoškolskih ustanova, ili studente koji imaju diplomu iz

prethodnog školovanja, ili studente koji imaju položenih ispita u prethodnom školovanju po bilo kom osnovu u skladu sa matičnim oblastima.

#### **Član 8.**

Zahtjev za prijelaz ili upis na dodiplomski studij dostavlja se studentskoj službi do 30. septembra za upis u zimski semestar ili do 28. februara za upis u ljetni semestar tekuće akademske godine.

#### **Član 9.**

Ukoliko su ispiti koji se prenesu položeni na visokoškolskoj ustanovi koja je matična iz istih naučnih polja i oblasti kao i Visoka škola FINra, tada student na Visokoj školi FINra može da upiše narednu godinu studija u odnosu na godinu studija koja mu je priznata na toj visokoškolskoj ustanovi, uz obavezu polaganja razlike predmeta.

#### **Član 10.**

Ukoliko su ispiti koji se prenose položeni na visokoškolskoj ustanovi koja nije matična u istim naučnim oblastima u kojima je matična i Visoka škola FINra, tada student na Visokoj školi FINra može da upiše onu godinu studija koja odgovara broju priznatih ECTS bodova i to:

- Minimum 44 priznatih ECTS bodova za upis u drugu godinu studija,
- Minimum 104 priznatih ECTS bodova za upis na treću godinu studija,
- Minimum 164 priznatih ECTS bodova za upis na četvrtu godinu studija.

Student je dužan da u daljem školovanju na Visokoj školi FINra položi svu razliku ispita i da stekne broj ECTS bodova predviđen za upis u naredne godine studija u skladu sa odredbama Statuta Visoke škole FINra i ovog Pravilnika.

#### **Član 11.**

Komisija utvrđuje razliku predmeta koje studenti polažu paralelno sa programom nastavka školovanja, strukturu razlike utvrđuje predmetni nastavnik.

Studenti su dužni da do sticanja diplome prvog stepena steknu 240 ECTS kredit-bodova savladavajući program odgovarajućeg studijskog smjera iz 5. i 6., odnosno 7. i 8. semestra i savladavajući program određen Rješenjem o nastavku školovanja na Visokoj školi.

#### **Član 12.**

Za upisanu godinu studija po osnovu prelaska sa druge visokoškolske ustanove, ili po osnovu produžetka školovanja, student plaća punu naknadu školarine.

Izuzetno od prethodnog stava ovog člana studentu se na osnovu njegovog zahtjeva može odobriti procentualno umanjeње školarine na godini u koju se upisuje u skladu sa brojem priznatih ispita na toj godini, kako slijedi:

- 1-2 priznatih ispita 10% umanjeња,
- 3-4 priznatih ispita 20% umanjeња i
- 5 i više priznatih ispita 50% umanjeња.

#### **Član 13.**

Studenti koji prelaze na Visoku školu FINra sa drugih visokih škola, fakulteta, univerziteta ili visokoškolskih ustanova iz inozemstva, dužni su provesti proceduru nostrifikacije inostranih diploma u skladu sa Zakonom.

